

# MOTŠHELO WA LETSENO LA KOPOREITI

## Ke eng se sempsha?

- **28 Janaware 2019 – Dikotlo tša Taolo bakeng sa Motšhelo wa Letseno la Koporeiti (CIT) di tlo lefišwa**

SARS e tlo lefiša dikotlo tša Taolo ya CIT go tloga ka 28 Janaware 2019. Dikotlo tša taolo di tlo lefišwa go dikhamphani tšeo di amogelago mangwalo a kgopelo ya mafelelo ya thomelo ya pušetšo ya motšhelo. Go ya ka Karolo 210 ya Molao wa Taolo ya Motšhelo wa 2011, go se obamele mabapi le go se romele pušetšo ya motšhelo yeo e nyakegago ya CIT e lebiša go dikotlo, tše di latelago:

- Ge eba SARS e kgotsofetše gore go se obamele ga motho yo a šupeditšwego go karolwana ya (2) o a hwetšagala, go se akaretše go se obamele mo go šupeditšwego go karolwana 213, SARS e swanetše go lefiša 'kotlo' ya maleba go ya ka Tafola go karolo 211.
- Go se obamele ke go palelwa ke go obamela ka boikgafo bjo go lefišwago ke goba ka fase ga Molao wa Motšhelo gape e ngwetšwe go tsebišo ya setšhaba yeo e phatlaladitšwego ke Khomišinare, ntle le:
  - go palelwa ke go lefela motšhelo go swanetše go dirwa go ya ka persente yeo e theilwego go kotlo ka fase ga Karolo ya C; goba
  - go se obamele go swanetše go dirwa go ya ka kotlo ya go nyatša ka fase ga Karolo 16.

Dikotlo di fapana go tloga ka R250 go ya go R16 000 ka kgwedi ge go se obamele go tšwela pele, go ya ka tahlegelo ya go elwa ya khamphani goba letseno la motšhelo. Dikhamphani tše di nago le dipušetšo tša go šalela morago tša CIT ba kgopelwa go romela dipušetšo tša bona go SARS pele ga mafelelo a Nofemere 2018 go phošolla go se obamele le go thibela dikotlo tše di lefišitšwego.

Ka kgopelo lemoga gore go a gapeletšega gore dikhamphani tše di ngwaditšwego di romele dipušetšo tša tšona tša motšhelo wa letseno. Ge eba khamphani ga e šome, go sa ntše go gapeletšega gore khamphani e romele pušetšo ya pele ga 2018 go efoga tefišo ya dikotlo. Kheraetheria bakeng sa karogo ka 2018 e laeditšwe go [Tsebišo 600 ya 15 June 2018](#).

- **Motšhelo wa Letseno la Koporeiti (CIT) Setlha sa go Faela: Diphetogo tše bohlokwa tše di latelago**

SARS e mpshafatša mekgwatšhomo le ditshepetšo tša mabapi le go faela dipušetšo tša Motšhelo wa Letseno bakeng sa Dikhamphane go kgontšha diphetogo tša semolao le tšwelopele ya kaonafatšo ya mpshafatšo:

- Kaonafatšo ya foromo ya gabjale ya ITR14 go dumelela diphetogo tša bjale bjale tša semolao
- Go tšweletša tshedimošo ka mokgwa wa inthanete (Pre-pop) ya dipušetšo tše kgethegilego tše di kleimilwego kgale
- Peobaka/mpshafatšo ya ITA34 ka Tsebišo ya Kelo (ITA34C)
- Kaonafatša ya mangwalo ka lebaka la go fa leina le lempsha la ITA34 go ITA34C le diphetogo tša semolao.

Bakeng sa ngwaga wa 2018 wa kelo, dinyakwa tša go faela ke tše di latelago:

- Khamphani enngwe le enngwe goba motho yo mongwe wa semolao, yo e lego modudi yo a:-
  - Hwetšago koroso ya letseno la go feta R1 000
  - Swerego dithoto tša theko ya go feta R1 000 goba yo a nago le dikoloto tša go feta R1 000 ka nako enngwe le enngwe ka ngwaga wa kelo wa 2018
  - Hweditšego poelo enngwe le enngwe ya matlotlo goba tahlegelo ya matlotlo ya go feta R1 000 go tšwa go dithoto tše di rekišitšwego tšeo Šetšulu ya Seswai ya Molao wa Motšhelo wa Letseno o dirišwago, goba
  - bilego le letseno la motšhelo wa go tšhelelwa, tahlegelo ya go elwa goba tahlegelo ya matlotlo a go elwa o swanetše go romela pušetšo.

Ka kgopelo lemoga gore go tloga go le bohlokwa gore dikhamphani tše di ngwadišitšwego di romele dipušetšo tša bona tša letseno la motšhelo. Ge eba khamphani ga e tsenye tšhelete, go sa ntše go hlokega go romela dipušetšo ka moka tše di šaletšego morago pele ga 2018, go thibela gore dikotlo di se lefišwe.

- **7 Matšhe 2018 – Sebaka sa kgaugelo sa go romela šetšulu e mpsha ya IT10B bakeng sa Dikhamphani tša Naga ya ka ntle tša go Laolwa (CFC)**

Ka 26 Feberware 2018, šetšulu ya kgale ya IT10B Adobe PDF e mpshafaditšwe ka nolofatšo ya [šetšulu ya IT10B ya MS Excel](#). Šetšulu e mpsha e kgontšha balefela motšhelo go laodiša tshedimošo ka moka ya CFC bakeng sa

mengwanga ya kelo ya 2012 go iša pele go šetšulu e tee yeo e kopantšwego yeo e sa fetišego kgaoletšo ya go louta faele go SARS eFiling.

Go kgona go šoma ka balefela motšhelo bao ba šetšego ba beakantše tshedimošo ya bona ya CFC go šetšulu ya kgale, SARS e tla fa **balefela motšhelo sebaka sa kgaugelo fao šetšulu ya kgale e tla dumelelwago bjale ka tokumente ya maleba bakeng sa dithomelo ka moka tša thekgo bakeng sa dithomelo tša pušetšo ya motšhelo tša pele ga 1 June 2018**. Dikgaoletšo tša go louta fela dišetšulu tše 10 tša mathomo bjale ka ditokumente tša thekgo go pušetšo ya motšhelo wa letseno, mo mabakeng ao go nago le di- CFC tša go feta tše 10, di tla dula di diragatšwa go ya ka šetšulu ya kgale. SARS, le ge go le bjale, e gapeletša balefela motšhelo bao ba sa kago ba beakanya tshedimošo ya bona ya CFC go kgonthiša tirišo ya go nolofatšwa ya [šetšulu ya IT10B](#) ya [MS Excel](#) ya go nolofatšwa.

Go tloga ka 1 June 2018 balefela motšhelo ka moka bao, gammogo le motho yo mongwe le yo mongwe yo a kgokagantšwego, yo a kgathilego tema ya bonnyane bja 10% bja ditokelo tša go kgathatema go CFC enngwe le enngwe ba swanetše go tlatša tshedimošo ya CFC go šetšulu e mpsha ya IT10B. Še swanetše go loutwa bjale ka tokumente ya thekgo go ya ka di-CFC bakeng sa dipušetšo tša motšhelo wa letseno tše di rometšwego go tloga ka 1 June 2018 go ya pele.

- **26 Feberware 2018 – Kaonafatšo go Pušetšo ya Motšhelo wa Letseno la Dikhamphani (ITR14)**

SARS e phethagaditše diphetogo tše mmalwa go Pušetšo Motšhelo wa Letseno bakeng sa Dikhamphane ka 26 Feberware 2018. [Bala tše dingwe mo.](#)

## Na Motšhelo wa Letseno la Koporeiti ke eng?

Motšhelo wa Letseno la Koporeiti (CIT) ke motšhelo wo o lefišwago go dikhamphani tša go dula ka Rephapoliki ya Afrika Borwa (ke gore, yeo e laolwago ka fase ga melao ya, goba yeo e laolwago ka gare ga Rephapoliki, gape yeo e hwetšago letseno go tšwa ka gare goba ka ntle ga Rephapoliki. Dikhamphani tšeo E sego tša badudi ba mo nageng tšeo di sepetšwago ka lekala goba di nago le tlhomo ya samaruri ka gare ga Rephapoliki di swanetše go lefela motšhelo wa methomo kamoka ya letseno la ka gare ga Rephaboliki.

## Na ke ya mang?

CIT e ama (eupša ga e na kgaoletšo) dikhamphani tše di latelago tšeo di nago le maikarabelo ka fase ga Molao wa Motšhelo wa Letseno, 1962 bakeng sa tefelo ya motšhelo go letseno ka moka leo le amogetšwego ka go kgoboketšwa go bona ka ngwaga wa tšhelete:

- Dikhamphani tša setšhaba tše di ngwadišitšwego
- Dikhamphani tšeo di sa ngwadišwago
- Dikhamphani tša praebete
- Dikoporasi tša go Tswalelwa
- Dikhamphani tša tlemagano
- Dikimi tša Kgoboketšo ya Dipeeletšo
- Dikoporasi tša Dikgwebo tše Nnyane (s12E)
- Dikoporasi tša Lekgotla
- Dikhamphani tša Poloko ya Kabo
- Dikhamphani tše di sa Šomego
- Dikhamphani tša go Hola Setšhaba.

## Na ke swanetše go tšea dikgato dife?

- **Ngwadiša bjalo ka molefela motšhelo**

Kgwebo enngwe le enngwe e swanetše go lefela motšhelo, ka fase ga Molao wa Motšhelo wa Letseno, 1962, e swanetše go ngwadiša le SARS bjale ka molefela motšhelo. O ka ngwadiša bakeng sa mehuta ka moka ya metšhelo ka tirišo ya [sesteme ya tshedimošo ya moreki](#).

**Maele a Bohlokwa:** O swanetše go kgonthiša gore dintlha tša kgwebo ya gago di nepile pele o ka romela ITR14 ya gago. Etela [go boloka mpshafatšo ya dintlha tša kgwebo ya ka](#) go hwetša ka fao o ka dirago se.

- **Romela pušetšo ya motšhelo ya ngwaga**
- Bakeng sa ngwaga wa kelo wa 2018, dinyakwa tša go faela ke tše di latelago,
  - Khamphani enngwe le enngwe goba motho yo mongwe wa semolao, yo e lego modudi:-
    - wa ga gola letseno la kroso ya go feta R1 000
    - yo a swerego dithoto tša theko ya go feta R1 000 goba yo a bilego le dikoloto tša go feta R1 000 ka nako yenngwe le enngwe ka ngwaga wa kelo wa 2018
    - wa go amogela poelo enngwe le enngwe ya matlotlo goba tahlegelo ya matlotlo ya go feta R1 000 go tšwa go dithoto tša go lahlwa tše di amago ke Šetšulu ya Boseswai ya Molao wa Motšhelo wa Letseno, goba
    - yo a bilego le letseno la go tšhelelwa, tahlegelo ya go elwa goba tahlegelo ya matlotlo ya go elwa o swanetše go romela pušetšo,

Dipušetšo di ka romelwa ka mokgwa wa elektroniki ka e-filing goba ka letsogo go [lekala la SARS](#) moo molefela motšhelo a ngwadišitšwego.

- **Romela dipušetšo tša motšhelo wa motšwaoswere**

Go tlaleletšo ya dipušetšo tša ngwaga, khamphani enngwe le enngwe e swanetše go romela dipušetšo tša motšhelo wa motšwaoswere. dipušetšo tša mathomo di swanetše go romelwa dikgwedi tše tshela go tloga mathomong a ngwaga, gomme tša bobedi mafelelong a ngwaga, gomme di swanetše go laetša tekanyetšo ya palomoka ya letseno leo le hweditšwego goba leo le tlo hwetšwago ka nako yeo. Tefelo ya motšhelo e swanetše go feleletša pušetšo. Tefelo ya boraro “ya tlaleletšo” e ka dirwa dikgwedi tše tshela morago ga mafelo a ngwaga.

**Maele a Bohlokwa:** Ge o romela pušetšo ya gago ya motšhelo o tla swanela ke go fana ka khoutu ya gago ya SIC ya kgwebo ya gago. Go hwetša ka ga khoutu ya gago ya maleba [kgotla mo](#).

## Na CIT e swanetše go lefelwa neng?

### Motšhelo wa Motšwaoswere

- Tefelo ya pele – mo dikgweding tše tshela go tloga mathomong a ngwaga wa tekolo
- Tefelo ya bobedi – ka goba pele ga letšatši la mafelelo la ngwaga wa tekolo
- Tefelo ya boraro – dikgwedi tše šupa ka morago ga ngwaga wa tekolo bakeng sa balefela motšhelo ba mafelo a ngwaga wa Feberware le dikgwedi tše tshela morago ga ngwaga wa tekolo bakeng sa dikgetsi tše dingwe ka moka.

### Motšhelo go Kelo

Tefelo ya motšhelo go tsebišo yeo e dirilwego ya kelo ke SARS e swanetše go dirwa mo sebakeng se itšeng sa tsebišo yeo.

Motšhelo wa Letseno la Koporeiti o lefelwa ka tekanyo ya 28%.

## Na CIT e ka lefelwa bjang?

Ditefelo di ka dirwa ka go diriša dikgetho tše di latelago:

- Go panka ka inthanete
- Phetišo ya tšhelete ya elektroniki
- Ditetelo ka panka
- [eFiling](#)
- Mokgwa wa tefelo ya Swift (yeo e dirišwago ka ditefelo fela tša dinaga tša ka ntle).

Lemoga: Ka kgopelo šupetša go tlhahli go [Melao ya SARS ya Ditefelo](#) go hwetša tshedimošo e ntši ka ga mekgwa yeo e lego mo godimo ya ditefelo.

Go fihlelela letlakala le ka dipolelo tša go fapana kgotla dikgokaganyo ka tlase:

